



Inatsisartunut ilaasortaq, Hans Enoksen  
Naleraq

04-06-2024  
Suliap normua. 2023 - 25175  
All. il. 24200081

Postboks 260  
3900 Nuuk  
Oqarasuaat (+299) 34 50 00  
Nassitsigasuaat (+299) 34 66  
66  
E-mail: iian@nanoq.gl  
www.naalakkersuisut.gl

## **Angajoqqaarsiat pillugit § 27 naapertorlugu apeqqummut nr. 108-2024-mut akissuteqaat**

Asasara Hans Enoksen.

Inatsisartut suleriaasiat naapertorlugu apeqquinnut qjanaq. Tullinnguuttuni akissutit atuarsinnaavatit.

### **Apeqquut 1. Meeqqanik paarsisartut atugassaqartitaanerat qanoq isumannaatsumik ingerlasussanngorlugu aaqqissuunneqartarpa?**

#### **Akissut:**

Ilaqutariinnut paarsisartunut atugassarititaasut ilaqutariit paarsisartut pillugit Namminersorlutik Oqartussat nalunaarutaanni nr. 13, 10. Oktober 2019-imeersumi malittarisassiorneqarnikuupput.

Nalunaarut naapertorlugu akigititat tamarmik minnerpaamik ukiumut ataasiaq Akigititanut quppersakkami - Isumaginninnikkut akigititat nalunaarutit.gl-imi malittarisassiorneqartarput saqqummiunneqartarlutillu.

### **Apeqquut 1a. Aningaasarsiat paarsinersiutit qanoq annertutigaat?**

#### **Akissut:**

Paaqqinninersiutit tassaapput ilaqutariit paarsisartut akissarsiassaat taamaammallu meeqqap inuusuttulluunniit pilersornissaanut atugassiaanngitsut.

Paaqqinninersiutit naliginnaasut 1.1.2024-miit meeqqamut 5.673 kr.-upput, meeqqamillu inuusuttumilluunniit inissiineq, perorsaaneq isumassuinerlu eqqarsaatigalugit ilaqutariinnut paarsisartunut immikkut perorsanikkut isumassuinnikkullu suliniarnartuuppat paaqqinninersiutit tamakkiisumik aalajangersimasumillu nalilersuineq aallaavigalugu 700 %-imik qaffanneqarsinnaallutik.

Pinasuartumik inissiinermi paaqqinninersiutit ullormut 540 kr.-upput.

Oqilisaassisoqartillugu tikkuussisumik paaqqinninersiutit ullormut 378 kr.-upput.



Meeqqap atuarfimmiiinnerani piareersimasoqartillugu qaammammut akiliutit 851 kr.-upput.

Aningaasat tamarmik akigititanik naleqqussaasarnermut procenti atorlugu 1.1.-imiit ukiumoortumik malittarisassiorneqartarput.

Inuusutissarsiuqatigalugu ilaqutariit paarsisartut atorfinitsitsinermi isumaqatigiissut naapertorlugu akissarsiaqartinneqassapput.

Tunngaviusumik qaammammut akissarsiat 25.715,78 kr.-upput.

Tamatuma saniatigut immikkut ittumik tapisiaqartarput, ukiumoortumik:

Meeraq ataaseq pineqartillugu 49.566,72 kr.

Meeqqat marluk pineqartillugit 137.669,04 kr.

Meeqqat pingasuuppata, ilassutitut 18.499,32 kr. Meeqqat inissinneqartut pingasunngortinnissaannut ilaqutariinni inuit marluk inuusutissarsiuqatigalugu paarsisartuunissaat piumasaqaataasarpoq.

### **Apeqqut 1b. Angajoqqaarsianut meeqqanik paarsaqarnermi meeqqat amerlassusiat malillugu qanoq paarsinersiutit akilernerqartussat annertussusilerneqartarpat?**

#### **Akissut:**

1a-mut akissut innersuussutigineqarpoq.

### **Apeqqut 2. Meeqqanut paarineqartunut nerisassarsiutit tunniunneqartartut qanoq annertutigaa?**

#### **Akissut:**

Ilaqutariit paarsisartut pillugit Namminersorlutik Oqartussat nalunaarutaat-ni § 19 naapertorlugu kommunalbestyrelse inissiisoq, nerisassarsiuqatissanik, kaasarfimmiiussanik atisassarsiuqatissanillu ilaqutariittut paarsisartunut, meeqqap inuusuttulluunniit pilersorneqarneranut atugassanik, akiliuteqartassaaq.

1.1.2024-imiit nerisassarsiuqatissat qaammammut 1.376 kr.-upput.

1.1.2024-imiit kaasarfimmiiussatut atisassarsiniutissatullu ima aningaasartalersorneqarput:

Meeqqamut 16-it ataallugit ukiulimmut: Ullormut 58,65 kr.

Inuusuttumut 16-18 akornanni ukiulimmut: Ullormut 68,83 kr.

Inuusuttumut, siusinaartumik pensionisiaqanngitsumut, 18-it qaangerlugit ukiulimmut: Qaammammut 2.179 kr.

Aningaasat akigititanik naleqqussaasarnermut procenti atorlugu ukiumoortumik malittarisassiorneqartarput.

### **Apeqqut 2a. Qanoq ullormut annertussuseqarpat?**

#### **Akissut:**

Apeqqut 2-mut akissut innersuussutigineqarpoq.

### **Apeqqut 2b. Qanoq sapaatip akunneranut tunniunneqartartut annertussuseqarpat?**

#### **Akissut:**

Apeqqut 2-mut akissut innersuussutigineqarpoq.

### **Apeqqut 3. Meeqqanut paarineqartunut angajoqqaarsiat aqutigalugit tunniunneqartartut qanoq**



### **annertutigisumik aningaasartaqartarpat?**

**Akissut:**

Apeqquut 2-mut akissut innersuussutigineqarpoq.

### **Apeqquut 3a. Atisassarsiuutissat qaammannut qanoq annertussuseqarpat?**

**Akissut:**

Apeqquut 2-mut akissut innersuussutigineqarpoq.

### **Apeqquut 3b. Nerisassarsiuutissat qaammammut qanoq annertussuseqarpat?**

**Akissut:**

Apeqquut 2-mut akissut innersuussutigineqarpoq.

### **Tamatuma saniatigut paasisutissiissutigineqarpoq**

- meeqqap iserternerani pisattanik, atisanik allanilluunniit pisinermi aningaasanik ataasiartumik tunniussisoqartarpoq. 1.1.2024-miit ataasiartumik aningaasat amerlassusiat taassaavoq 8.195 kr.
- kommunalbestyrelsi ilaqutariit paarsisartut paarsineranni aningaasartuutitut ilassutaasunut tapiissuteqarsinnaavoq.

Inussiarnersumik inuulluaqqusillunga

Aqqaluaq B. Egede